



ՍՈՒՐԲ ՍՏԵՓԱՆՈՍԻ ՏՈՆԸ ԵՎ ՍԱՐԿԱՎԱԳԱԿԱՆ ՁԵՌՆԱԴՐՈՒԹՅՈՒՆ ՄԱՅՐ ԱԹՈՒՌՈՒՄ

Այս տարի էլ Մայր Աթոռում ավանդական հանդիսությամբ նշվեց առաջին մարտիրոսն՝ Ստեփանոսի տոնը։ Մայր Աթոռի միաբան սարկավագները և հոգևոր ճեմարանի ուսանողները բացառիկ խանդավառությամբ կատարեցին իրենց մտատիպարի՝ Ստեփանոսի տոնին նվիրված երգեցողությունները։

«Սուրբ Ստեփաննոս այր լի հաւատով
Հոգւով Սրբոց շնորհօք և զօրութեամբ»։

Դեկտեմբերի 25-ին, ուրբաթ օրը, երեկոյան, Մայր տաճարի կամարների տակ, նախատոնակի ժամանակ, թնդաց ա. Ստեփանոսի գեղեցիկ շարականը՝ «Նահատակ քարի»-ն։

Այս տարի ա. Ստեփանոսի տոնը առիթ հանդիսացավ հոգևոր այլ բերկրանքի։ Հոգեվոր ճեմարանի Գ. լսարանի բոլոր ուսանողները դիմում էին ներկայացրել Վեհափառ Հայրապետին ստանալու սարկավագական աստիճան։ Ազգիս Վեհափառ Հայրապետը, հարգելով միջնորդությունը Մայր տաճարի լուսարարապետ տ. Հայկազուն արքեպ. Աբրահամյանի և հոգևոր ճեմարանի տեսուչ տ. Ծնորհք վրդ. Գաապարյանի, արտոնել էր ա. Ստեփանոսի տոնին սարկավագական ձեռնադրություն։

Ուրբաթ օրը, երեկոյան ժամերգության ավարտին, հինգ ընծայացումներին շնորհվեց կիսասարկավագի աստիճան՝ ըստ Ձեռնադրության Մաշտոցի։

Դեկտեմբերի 26-ին, շաբաթ օրը, Մայր տաճարում պաշտվում է առավոտյան ժամերգություն։ Սարկավագները և ժառանգավորները խորը ապրումով կատարում են օրվա հատուկ մասնավոր շարականներն և երգերը։

Վեհ. ու տպավորիչ հնչյուն է «Այսօր դաք»-ը, «Ստեփանոս, քաղցրիկ տառակ», որը կատարում է սարկավագների խումբը, սաղավարտ ի գլուխ, բուրվառ ի ձեռին, մետաքսահյուս գեղեցիկ շապիկներ հագած։

Ժամերգության ավարտին լուսարարապետ Հայկազուն արքագանը կատարում է սարկավագական ձեռնադրության խորհուրդը։ Այնուհետև ձեռնադրիչ արքագանը խրատական է խոսում՝ բնաբան ընտրելով Պողոս առաքյալի՝ առ Տիմոթեոս Բ թղթի հետևյալ խոսքերը. «Փութասջիբ զանձն քո ընտիր կացուցանել առաջի Աստուծոյ մշակ ստանց մօթոյ, ուղիղ համառնել զբանն ճշմարտութեան» (Բ 15)։ Օրվա պատարագիչն է տ. Հովհաննես քհն. Մարությանը։ Սեղանին սպասարկում են նորապսակ Տրդատ, Ժի-

բայր, Արտաշես, Սեզար և Կորին՝ սարկավագները:

Այս առիթով Հայկազուն արքեպիսկոպոսը սարկավագական աստիճան է շնորհում ապագա երկու քահանայացուներին՝ Տիգրան Հարությունյանին և Թորոս Մարգարյանին:

Հավարտ և պատարագի Հայկազուն արքեպիսկոպոսի գլխավորությամբ Մայր Աթոռի ողջ սարկավագական խումբը, 13 հոգի, գնում է Վեհաբան՝ ստանալու Հայոց Հայրապետի օրհնությունն ու պատգամը: Հայոց Հայրապետը, հոգեպես ուրախ, ջերմորեն ընդունում է Իր հոգևոր զավակներին, շնորհավորում նրանց տունը և բարեմաղթում, որ Մայր Աթոռի երիտասարդ սարկավագներն արիանան ու լցվեն ս. Ստեփանոսի ոգով, հավատքով և զորությամբ՝ արժանապես կատարելու համար հոգևոր ապաստանալուց եկեղեցուն և հայ ժողովրդին:

Մայր Աթոռի սարկավագների խումբը աջահամբույրով ստանում է Հայոց Հայրապետի օրհնությունը և մեկական Նոր Կտակարան՝ վերջերս Մայր Աթոռի տպարանում հրատարակված:

Այնուհետև, ժամը 15-ին հոգևոր ճեմարանի սեղանատանը, ի պատիվ Մայր Աթոռի սարկավագների տոնի, տրվում է ճաշկերույթ, որին մասնակցում են հոգևոր ճեմարանի դասախոսական կազմն ու ուսանողությունը, բոլոր ներկայները հյուրասիրվում են հայկական ալանդական հարիսայով և քաղցրավենիքներով:

Ճաշկերույթի ժամանակ սարկավագների տունը շնորհավորում են տ. Հայկազուն արքեպիսկոպոսը, տեսչի պաշտոնակատար տ. Հովհաննես քահանան, դասախոսներ Աթոռն Հատիտյանը, Կամար Ավետիսյանը, Պարգև Շահբազյանը, Սամվել Անթոնյանը, Սիմոն Հովիվյանը:

Հանուն սարկավագաց խմբի Վեհափառ Հայրապետին, տեսչական ու դասախոսական կազմին ուղղված երախտագիտական նետկալ ջերմ խոսքով հանդես է գալիս Արտաշես արկ. Մուշեղյանը:

«Նորընտիր սարկավագ եղբայրներին և իմ անունից երախտագիտական և շնորհակալական խոսք ունեմ հայտնելու նախ ազգիս Վեհափառ Հայրապետին՝ Իր հայրական հոգատարության և մեզ պատճառած այս ուրախության համար, մեզ ձեռնադրող տ. Հայկազուն արքեպիսկոպոսին՝ իր շնորհաբաշխության համար, ճեմարանի տեսչությանը, տ. Շնորհք վրդ. Գասպարյանին, տ. Հովհաննես քնն. Մարությանին, որ մեզ հնարավորություն տվեցին աստիճան ստ աստիճան քարձրանալ ճեմարանում և հասնել սարկավագության կարգին, դասախոսներին, որոնք հոգևոր ճեմարանի իմացական պո-

ներն են հանդիսանում և մեր մտքի ու հոգու շինարարները:

Մենք գիտակցում ենք մեր ձեռնադրության ճշմարիտ արժեքը: Սրբազան Հայր, Խուր Ջեր շնորհաբաշխությանը ներշնչեցիք մեզ միաբարիշ և Հոգին և դյուրացրիք անսատույց լույսին հասնելու մեր ուղին, բացեցիք դեպի հոգևոր ծառայություն տանող այն ճանապարհը, որին մենք անհամբերությամբ ձգտում էինք հասնել: Իմ ընկերները և ես սիրեցինք հոգևոր կյանքի այս ճշմարիտ ճանապարհը. խոստանում ենք առաջիկայում անշեղորեն ընթանալ այդ ճանապարհով, որը Քրիստոսի քաղցրիկ տատարակ ս. Ստեփանոսի նահատակության պատկով է նվիրագործված: Առաջ մենք ունեինք տղայական, անհոգ կյանք, բայց այսօրվանից թողնելու ենք ամենը և հարսի հոգով, ըստ շարականագրի, դառնալու ենք «աշակերտք Քրիստոսի»: Մենք մեր նոր կյանքի ճանապարհի սեմին տեսնում ենք և հասկանում մեր կոչման և ապարեզի դժվարություններն ու պահանջները:

Մենք ինչով կարող ենք նմանվել ս. Ստեփանոսին. նախ՝ մաքրակեցադ ու առաքինի կյանքով, երկրորդ՝ այն անոխակայ ոգով, որ հատուկ էր ս. Ստեփանոսին: Երբ քարկոծում էին նրան՝ նա աղոթում էր քարկոծողների համար. «Տէր, մի համարիր դոցա զայս մեղա»: Այս վսեմ կեցվածքի մեջ մենք տեսնում ենք աստվածային նկարագիր, քրիստոնեական արիություն ու հավատքի կրակ:

Մեր կոչումը ճշմարիտ, նվիրական է. Աստված մեզ կանչել է խորհուրդների խորան այս սրբություն սրբոցը, որ մենք կոչված ենք փառաբանելու Նրան: Այսօր արդեն մեզ զգում ենք ձեռնադրված և շնորհագգայց: Պետք է խոստանանք, որ մեր սարկավագությունը միայն զգեստ չպետք է լինի: Երբ առաքյալները ընտրեցին առաջին յոթ սարկավագներին, նրանք սև զգեստ էին կրում: Նրանք Աստուծո ուխտավորներն էին, Մենք էլ մեր մտատիպարի օրինակով նախ հոգով սարկավագ զգանք մեզ, սրտով հավատանք և ապա լեզվով խոստովանենք:

Մենք կոչված ենք քահանայության: Արդեն առաջին հաստատ քայլն արված է. եկեղեցուց սկսեց մեր հոգևոր վերածնունդը՝ ավագանից հետո:

Սիրելի հոգևոր հայրեր և ուսուցիչներ, Ջեր պատվերները նվիրական են մեզ համար: Ս. Լուսավորչի հավատի այն ջանք, որ դարերի ընթացքում մեր եռամեծ վարդապետների ձեռքում իմաստավորվել է, մեզ երախտալից հավատքի և սրբությունների ջանք և նրանով մենք էլ քարձրանանք:

Այժմ անմոռաց պահեր ենք ապրում, ինչպես Դուք, Սրբազան Հայր, չեք մոռացել Ձեզ սարկավագ ձեռնադրող հոգեւոյս տ. Եղիշե պատրիարք Դուրյանին, մենք էլ չենք մոռանա այս սրբազան պահը, մեր պայծառակերպության Թափոր լեռը: Շնորհակալություն ենք հայտնում այն վստահության համար, որով մեզ արժանի համարեցիք բարձրացնելու մի աստիճան ևս առ Աստված:

Այս սիրո սեղանը մեզ ճշմարիտ ուրախություն է պատճառում. Աստված մեր մեջ է և հիմա՝ այստեղ հոգևոր գարուն է մեզ համար:

Ինչպես որ միասիրտ և միահոգի ձեռնադրվեցինք, այնպես էլ միասիրտ ու միահոգի պետք է ծառայենք:

Թող մեր աղոթքները ուղիղ լինեն և սրբտերը՝ մաքուր»:

Ս. Ստեփանոսի տոնի առթիվ ձեռնադրված սարկավագներն են.

1. Արտաշես սրկ. Մուշեղյան: Ծնվել է 1947 թվականին Երևանում: 1966 թվականին ավարտել է միջնակարգ դպրոցը: 1967 թվականին ընդունվել է Էջմիածնի հոգևոր ճեմարան: Այժմ սովորում է ավարտական լսարանում:

2. Սեզար սրկ. Գոմորայան: Ծնվել է Հաղեպում, 1949 թվականին: Մի քանի տարի սովորել է Երուսաղեմի Ժառանգավորաց

վարժարանում: 1969 թվականին ընդունվել է Էջմիածնի հոգևոր ճեմարան: Այժմ սովորում է ավարտական լսարանում:

3. Տրդատ սրկ. Ծամլյան: Ծնվել է Հաղեպ շաղաքում, 1949 թվականին: Մի քանի տարի սովորել է Երուսաղեմի Թարգմանչաց վարժարանում: 1966 թվականին ընդունվել է Էջմիածնի հոգևոր ճեմարան: Այժմ սովորում է ճեմարանի ավարտական լսարանում:

4. Ժիրար սրկ. Միմոնյան: Ծնվել է Ալթայի երկրամասի Մաքսիմովկա գյուղում, 1951 թվականին: 1958 թվականին սովորել է Էջմիածնի, 1961—1964 թվականներին՝ Երևանի միջնակարգ դպրոցներում: 1965 թվականին ընդունվել է Էջմիածնի հոգևոր ճեմարան: Այժմ սովորում է ավարտական լսարանում:

5. Կտրին սրկ. Ներսիսյան: Ծնվել է 1951 թվականին Էջմիածնի շրջանի Ոսկեհատ գյուղում: Սովորել է տեղի միջնակարգ դպրոցում: 1965 թվականին ընդունվել է Էջմիածնի հոգևոր ճեմարան: Այժմ սովորում է ավարտական լսարանում:

«Էջմիածին» ամսագրի խմբագրությունը ջերմորեն շնորհավորում է Մայր Աթոռի սարկավագների տոնը և, հաևնուն քաղմահարուր իր ընթերցողների, բարեմաղթում. որ նրանք լինեն արժանավոր զավակներ Մայր Աթոռի և հավատալիոր ապաստիորների՝ հայ եկեղեցու:

